



Imbarcamentu di I Mille.

5

Diventendu adultu, perdia a mio giuventù, Portu Lympia è tutti i lochi di e mio scurizate. Ritratti passati di tante ghjente, memorie pronte à svanisce si. A cuntea di Nizza s'era prununziata à più di 80 % per esse francese. Garibaldi, chì avia cum battutu per l'unità di l'Italia ùn la pudia pate, ancu s'è Caprera era u so rifugiu, u so regnu, è pettu à l'accunsentu di u parlamentu Turinese chì lasciava fà, di stizza, ellu avia presentatu a so demissione di deputatu è si n'era vultatu in Caprera.

Ma a Storia si ripeterà. U regnu di e duie Sicilie di Francesco II, dettu u Rè bomba, per via ch'ellu bumbardava tutta cità cuntestatrice, era un veru paragone di miseria nera è di corruzione. Quì, in l'antica Trinacria greca, ùn restavanu più chè superstizione, vindette, viulenze, ladrucimi è mafia.

Ma cù un nome cum'è quellu di Garibaldi, ùn si pudia imaginà altru chè di vede lu attu à risolve a più pessima di e si-